



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

caput decimum quartum. De missae sacrificio & haereticorum in eo
abolendo conatibus.

urn:nbn:de:hbz:466:1-10880

noscauit; Ecclesiaz eiusque ordinibus obrectare. Videmus enim etiam rabiosos canes celo oblatrare. Sed frustra. Facile enim a lupo, ne detrahatur, Luna sibi cauebit.

**D E M I S S A E S A C R I F I C I O , E T
hæreticorum in eo abolendo
conatibus.**

C A P U T . X I V .

A R G U M E N T U M .

- I. *Missa sacrificium à diabolo semper oppugnatum.*
- II. *Eius institutio.*
- III. *Forma, Ecclesia arbitrio & dispositioni à Iesu Christo permisso.*
- IV. *Missa nomen unde.*
- V. *Ceremonia substantiam non mutant.*
- VI. *Non de vocabulo, sed de re ipso disputandum est.*

VERSUTVS ille Panurgus nulla in re quā in iugi illo & quotidiano sacrificio abolendo, maiori conatu semper elaborauit: vt qui bene nouit omnia salutis nostræ mysteria, coram qui in persona Salvatoris nostri miraculose contigerunt, memoriam contineri: qualia sunt, Incarnationis, S. Eucharistiaz institutio, Passio & Mors, Resurrectio & Ascensio Salvatoris. Idem propitiatio est inter Deum & homines, solidum Christianæ religionis fundamentum, æternæ salutis pignus, mortuorum ac viuorum solarium. Quid ergo mirum, quod versipellis illeathanas eorum quoque saluti per Caluinum eiusque doctrinam insidiatur, animo stanto odio & rabi erga salutare illud sacrificium accedit. Hoc illi in Novi Testamenti libro, quem assidue secum circumferunt, sollicitè indagant & venantur, vbi vero ipso vulgari, *Missa* scilicet nomine expressum non inueniunt, statim sublati in cœlum manibus, multis cum suspirijs exclamat: O cœlum, o terram! siccine a tot retro sœculis decepti, & per humanas adinventiones ad idololatriam adducti sumus! Ex hoc hominum genore veteramentarius quidam Burdigalensis ad Caussidicum eiusdem urbis, a quo vt ad Catholicam rediret Ecclesiam admogitus fuerat, venit, proiecto in maculam

quem sub pallio gestabat, Bibliorum codice, inquiens: Evidem Missam frequentare non abnuo si cam mihi in novo Testamento ostendas, Mihi sane folia ornaia & singula peruolutanti, ne vox ipsa quidem occurrit. Tum alter ille: Quid narras, inquit, homo suauissime? Ergo ne illud tuum *Credo in Deum* posthac usurpes moneo; neque in novo Testamento verba hæreperies. Tum nec villa Sacra, nec Trinitatem esse credas: quum ne hæc quidem in libro illo exstet. Non possum hic quin cum S. Augustino exclamem. O miseri homines! qui sine duce libitis diuinorum mysteriorum plenis vos immissceris, ac sine magistro de ijs quæ non intelligitis, iudicatis. Bordinus vnus ex primis Caluini discipulis, narrare solebat, Caluinum cum Carolo Sagio de Missæ Sacrificio in Pictoribus habito sermone, monstrato Bibliorum codice dixisse: Hæc mea Missa est. Deinde proiecto in mensam pileo, sublati in cœlum oculis, exclamat: Evidem, Domine, si in extremo iudicio punire me velis eō quod Missam non frequentarim, iniuriam mihi fieri dicam, quum mihi vt id facerem, non præceperis. Ecce enim hic legem tuam, ecce Scripturam, vt religionis norma esset à te traditam sin qua nullum ego aliud sacrificium reperio, quam quod in altari Crucis fuit immolatum. Sic ille. Atque hoc quidem omnium hæreticorum semper fuit pseudothyron.

II. *Sed audi, Caluine. An nescis, Salvatorem nostrum eo die quod mysteriorum hoc mysterium instituit, ac preciosum suum corpus manducandum dedit, Apostolis vt idem ficerent præcepisse? id est, vt itidem sacrificarent. Ipsa quidem Missa nihil aliud est, quam Euangelicum sacrificium, à Prophetis prædictum, multisque figuris significatum; ac publica ac celebre magis illius mysterij quo Mundus sanctificatus est, representatio.* *vt D. Thomas loquitur. Dicere Missam, nihil aliud est; quam accipere panem, gratias agere, consecrare, & panis ac vini substantiam in carnem ac sanguinem Iesu Christi, virtute Sacramentalium Verborum conuertere. Eadem sacrificium est, & sacra actio, in qua causa populi, precibus & oblatione corporis ac mortis Salvatoris nostri interuenientibus, coram Deo agitur, vt Augustinus testatur.*

III. *Sacrificij huius offerendis mandatum Christus Apostolis dedit, eorumq; successoribus; formâ vero ac ceremonias Ecclesiaz arbitrio reliquit*

ut apud Justinum Martyrem, Tertullianum, Origenem, S. Augustinum, & alios videre est. Ethic quidem, Extremum actum quem Salvator ad Crucem proficiscens, in hoc Mundo obierit, ait, illum esse quo corpus suum manducandum dederit, ad memoriam sui recentem semper conservandam. Formam vero & ordinem certum non prescriptisse, sed Apostolorum, quibus Ecclesia destinataria gubernationem arbitrio reliquisse. Quid vero de Circumcisione in Veteri, & Baptismo in Novo Testamento haeretici dicent, quorum forma utroque à Pastoribus & Sacerdotibus prescripta est? Idem S. Augustinus alibi dicit, Ceremonias quæ in Sacramento usurpatuntur, nos ab eadem habere traditione, à quo Symbolum fidei habemus. Et S. Basilus, Quis, inquit, ille inter sanctos est, qui verba invocationis, quando Eucharistia elevatur, usurpara, scripto nobis tradidit?

IV. Esto, inquit haeretici. Nulli tamen legitimus sacrificium hoc a Salvatore Missam nominatum. At idem nec cœna, nec Sacramentum in scriptura appellatur. Quemadmodum Deus creato univerlo Adamo non uxori modo, & animantibus, sed etiam ipsis stellis nomina imponendi potestatem dedit: sic Salvator noster divinum hoc mysterium certo nomine appellandi, Ecclesiaz sua Pastoribus facultatem concessit: quod quidem illi ab Hebreæ lingua mutuari sunt, ut Alcuinus, Iudeus, ac Rabanus cœsent. Ipse certè Melanchthon, Reuchlinus, Munsterus & Bibliander fatentur, mysterium hoc à primis Christianis velut occultum semper, ac præcipue erga infideles, fuisse habitum. Et sanè tanta est eius dignitas, ut admiratione potius & silentio, quam voce exprimenda sit. Solis fidibus notum erat hoc mysterium, quod & à SS. Patribus tremendum appellatur. Postquam vero infideles calumniari Christianos coepit, quasi in cœtibus suis pueros sacrificarent ac comedentes, tum deum mysterij huius adytar referunt, & quale illud sacrificium esset, toti Mundo ostenderunt, ut ex Tertulliani & Justini Martyris scriptis videre est. Mihi quidem in sacra huius actionis institutione Salvator noster excellentem aliquem pictorem imitatus videretur, qui primaliter amata sua ipse manu, qua pars est ubiq; arte describit & adumbrat, pueris deinde ac discipulis ipsam tabulam coloribus exornandam ac perficiendam tradit; qui interim illud unicè operam dant, ne à magistri manu ac penicillo exorbitent arque aberrent. Eodem modo pulcherrima hæc tabula,

qua per corporis crucifixi exhibitionem, passionis ac mortis Servatoris nostri mysteria representantur, à primo quidem illo incomparabili magistro delineata, sed à duodecim illis discipulis eorumque successoribus (discipulis quidem ipsius magistri, sed perfectissimis aliorum magistris) exquisito variarum ceremoniarum velut colorum ornata instructa atque expolita, ac contra omnem temporis iniuriam, situm ac squallorem eo ornata integra hæc tenus conservata est. Quis nisi amens dicat vel existimet, non esse hoc vere idem sacrificium à Salvatore nostro institutum, eo quod orationes quædam ac ceremonia, tam ad explicacionem quam ornatum à reverentiam cuius mysterij pertinentes adiunctæ sunt? An tu Apellis picturam esse negabis, eo quod ab alio extensa, renovata, aut vivaciori aliquo colore inducta sit? Impetitissimus sit oportet, quin sciat accidentia à substantia distinguenda esse; remque tam diu eandem manere, quam diu substantia manet illæsa. Sic homo octogenarius idem ac non minus homo est quam illo die fuit quo natus est; Quamvis tam animi corporis habitus longe sit diversus.

V. Omnes istæ divinæ ceremoniæ, cantiones, orationes, manuum elevationes, pectoris percussionses, genuum flexiones, Crucis formationes, benedictiones seu consecrationes, ei Missæ, quam Dominus quo die sacrosanctum hoc Sacramentum instituit, celebravit, nullam omnino afferunt mutationem. Atqui (aiunt novi istius Euangelij satires) hæc omnia hominum sunt adinventiones. Farecamur. Sed quorum hominum? Eorum nempe in quibus nihil pœnchumani, sed divina omnia fuerunt. Homines fuerunt, sed discipuli ab ipso filio Dei edocti; & Apostoli, à Spiritu sancto illustrati: quorum instituta, ut Sanctus Cyprianus inquit, non minorem habent auctoritatem quam quæ ab ipso Iesu Christo ordinata sunt. Quod non de Apostolis modo, sed eorum etiam legitimis successoribus intelligendum est. Neque enim quidquam Deus Apostolis promisit, quod non etiam ad futuros Ecclesiæ rectores pertineret, eos, inquam, qui eadem auctoritate legitime essent constituti. Hi ijdē Spiritus S. non illustrator modo, sed & custode habuerunt. Hesychius certè Hierosolymitanus Episcopus testatur, sanctum Spiritum tum quum hoc ipsum mysterium celebrarent, in Apostolos descendisse. Hinc magnum illud Lateranense Concilium, cui plures.

plures quam vili alteri Episcopi, Prælati, Reges ac principes ex omnibus terræ partibus interfuerunt, hanc protestationem edit: Ecclesiam semper integræ fide custodiuisse id quod ab Apostolis accepit, qui ei regulam officiorum Ecclesiastico-rum tradiderint. A beatissimis S. Petro & Paulo, qui Romæ mortui quiescunt, ipsum modum sacrificii celebrandi accepisse, qui huc usque inuolabiliter sic conseruatus.

An ex tam infinita assistentium multitudine neminem putamus inuentioni huic, si humana & diabolica, ut impii isti loquuntur, ac non multo potius cœlestis ac diuina semper esse habita, contradictorum fuisse? At cœca hæresis nihilominus etiam nunc sacro sancto huic sacrificio, à prima ac posteriori Christiana antiquitate recepto atque approbato, obmurmurat. Atqui non de nomine, sed de re ipsa disceptandum est: Arianis olim responsum fuit, οὐαὶ σοι, seu consubstantialis nomen, tamquam nouum & in sacris litteris inusitatum calumniantibus. Hoc illud sacrificium est, cuius mentio fit in Actis Apostolorum, quod nimis Apostoli sacrificio ac precationi intenti fuerint. Hoc illud est à Malachia prædictum sacrificium. Quod quidem S. Augustinus³ in sermonibus suis Missam appellat. Sermones vero hos non suppositios, sed ipsius Augustini genuinos esse, ipse Petrus Martyr fatetur. Siue ergo hoc sacrificium cum Græcis Liturgian, siue cum Armenianis Corben, id est, oblationem, siue Canonem universalem cum Æthiopibus, Corbano, id est oblationem, cum Ægyptiis, siue Alcorban, id est, Sacrificium, cum Arabibus, siue Missam cum Chaldaeis appelles; idem nihilominus erit sacrificium, quod in Ecclesia Dei semper celebratum fuit, & ad finem usque Mundi celebrabitur. Hæc illa sancta Missa est, cuius antiquissimus Gallicarum rerum scriptor Gregorius Turonensis tam saepe meminit; cuius ab Apostolis celebratae in Vaticana & Regum nostrorum bibliothecis formulae extant: qualis illa est S. Iacobii Apostoli, à Constantinopolitan Conilio ante mille annos pro authenticâ recepta, quam & nostris temporibus Ieremias Patriarcha protali agnouit, ut Crisius Lucheranus ipse in Turcogrecia sua facetur. Formulâ huius Græce conscriptam doctissimus vir R. P. Fronto Ducæus in Catharinæ Mediceæ bibliotheca vidit. Similis etiam à S. Marco Euangelista conscripta in quodam Calabriæ monasterio, Ordinis S. Basillii, reperta est.

Quod si prisorum Papistarum, ut vobis loco, testimonia vobis non satis faciunt; agite, primos vestros Caluinistas audite. Bullingerum inspicite, apud quem Missæ formula, ut ea post Apostolorum tempora visitata fuit, nostra plane per omnia similis, exstat. Ut Centuriatores taceamus, qui diuersis locis eandem similem omnino prodiderunt. Plura hac de re differere hoc loco nihil attinet, quum totum hoc argumentum à præstantissimis viris, Murerio, Richeomo, Bordeio, & aliis non minus docte quam copiose pertractatum, atque eius qui sacrificium hoc abolere conatus est, non error modo, sed & impietas clarissime ostensa sit.

DE PRIMA CALVINISTICÆ ECCLESIAE
forma, deque Mandatione Caluinistarum quæ postea Cœna dici
cœpit.

CAPUT DECIMUM QUINTUM.

ARGUMENTVM.

- I. Caluinistica Ecclesia diu nullam certam formam Ecclesiæ habuit.
- II. De clandestinis Caluinistarum cœtibus.
- III. Formæ cœnæ Caluinistica, quæ Mandatione tum appellabatur. (uenit.
- IV. Narratio casus cuiusdam qui dum ea celebrature.
- V. Complures Caluinistæ Catholicos se simulant.
- VI. Derebus aliquot dubijs Protestantium in Germania & Geneuatium theologorum sententias exquirunt.

TAM fanætico spiritu animique incertitudine agebantur omnes illi, qui à Calvino seduci à vera Ecclesiæ semita exorbitabant, & in Francia circumcurserunt, ut nec quid facere, nec quam formam Ecclesiæ suæ dare vellent, satis constitutum haberent. Quisque cubiculum suum pro templo atque oratorio habebat, ibique quibus vellet modis Deo sacram faciebat, & si diis placet seruiebat: non aliter quam si nulla vñquam Christiana religio, nulli certi colendi ac precandi Deum Sacmentaque administrandi ritus existissent. Fideles illi Dei filios, vni & omnes veteres hæretici, S. Augustino notante, se iactabant. Quod si forte pauculos aliquot collegissent suosque fecissent, in speluncis locisque secretis conueniebant, non tantum ut suo modo sacra face-

L1 rent,

